



Publicaziuns dalla vischnaunca, jamna 8

Damondas da baghegiar

2017-1006.000

Datum dalla publicaziun: Ils 24 da fevrer 2017

Ils patrons: Toja Maissen e David Berther-Maissen Via Foppas 14 7186 Segnas

Il representant: David Berther-Maissen Via Foppas 14 7186 Segnas

Object: Sanaziun totala dalla casa e dil tetg cun montar in indrez solar fotovoltaic, parcella 131, Via Foppas 14, 7186 Segnas

2017-1007.000

Datum dalla publicaziun: Ils 24 da fevrer 2017

Il patron: Cuminonza da proprietaris en condomini Casa Postigliun, Via Sursilvana 18, 7180 Disentis/Mustér / Efrem Ferrari Via Delta 12, 6612 Ascona

Il representant: Architecnica, Via Besso 42a 6900 Lugano Object: Midada d'intent dallas localitads da banca e da restauraziun en localitads da scolaziun, baghetg sin parcella 871, Via Sursilvana 18, 7180 Disentis/Mustér

2017-1008.000

Datum dalla publicaziun: Ils 24 da fevrer 2017

Propietaris: Wolfgang Wandhoven e Claudia Judith Weiss Wandhoven Schössliweg 5, 8044 Turitg

Il patron: Wolfgang Wandhoven Schössliweg 5, 8044 Zürich

Il representant: Linus Maissen Via Foppas 10, 7186 Segnas

Object: Engrondaziun e sanaziun dalla casa sin parcella 1237, Via Plauncas 2 7180 Disentis/Mustér.

- Ils plans da construcziun ein deponi tier l'administraziun communal.
- L'investa publica cuoza 20 dis dapi il datum dalla publicaziun.
- Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 21 da fevrer 2017

Uffeci da baghegiar Disentis/Mustér

Lubientscha da baghegiar

L'istanza da baghegiar ha concediu suandonta lubientscha da baghegiar:

Nr. 2016 – 1022.000

Catrina Resort AG, Via Sontga Catrina 12, 7180 Disentis/ Mustér; construcziun d'in resort cun habitaziuns administradas, hostel, spa, uustria, stizuns e localitads da menaschi, parcella 1332, Sax Sut, 7180 Disentis/Mustér.

Disentis/Mustér, ils 21 da fevrer 2017

Uffeci da baghegiar Disentis/Mustér



Cussegl da vischnaunca

Iniziativa «Contractivas da fusiun ella Cadi» e dus postulats

En sia seduta dils 17 da fevver 2017 ha il cussegl da vischnaunca sut il tgamun da Christoph Berger tractau pliras fatschentas.

Ils 6 d'october 2016 ei vegniu lantschau ellas vischnauncas da Tujetsch, Mustér, Medel, Sumvitg e Trun l'iniziativa «Contractivas da fusiun ella Cadi». En las tschun vischnauncas ei vegniu inoltrau totalmein 925 suttascripziuns, quei che munta a 18,87 % da tuttas personas cun dretg da votar. Igl 1. da december 2016 ha il comite d'iniziativa surdau als presidents communalis a Trun sut igl ischi varga 900 suttascripziuns, da quei 387 (diember purificau) da vischinas e vischins da Mustér.

La suprastonza communal ha dil meini ch'ei seigi giustificau d'acceptar l'iniziativa sco era da menar las necessarias discussiuns e las contractivas da fusiun. Quei secapescha ord vesta che Mustér ei oz il center dalla Cadi e ch'ina eventuala fusiun dueigi midar nuot vid quella situaziun. La suprastonza communal ha constatau che l'iniziativa ei valeivla ed ha suttamess quella senza ina cunterproposta al parlament communal. Suentar ina cuorta denton fundada discussiun decida il cussegl da vischnaunca unanimamein da dar suatientscha all'iniziativa.

Ils 9 da december 2016 han cussegliera Rita Huonder-Tenner e dudisch ulteriurs commembers dil cussegl da vischnaunca inoltrau il postulat davart scaffir novas plazzas el subcenter Disentis/Mustér. *«Tenor nossa strategia duei Mustér vinavon restar in subcenter en Surselva. Las plazzas cantunalas e dalla regiun vegnan dislocadas ina suenter l'otra a Glion ed a Cuera. La tecnologia d'ozildi lai denton era tier che plazzas san vegnir mantenidas en la periferia. La suprastonza communal duei far lavur da lobi e perschader la Regiun Surselva d'analisar e possibilitar vinavon plazzas da lavur decentralas.»*

Il cussegl communal accepta il postulat unanimamein.

Medemamein ils 9 da december 2016 ha cusseglier Edgar Durschei e treis ulteriurs commembers dil cussegl da vischnaunca inoltrau il postulat davart instradar ina discussiun sur dallas structuradas politicas per esser semtgau sin las proximas elecziuns da 2020.

«Era uonn ei puspei semussau con grev ch'igl ei d'anflar personas che stattan a disposiziun per ils gremis politics. L'interessenza ed il temps da far politica ei sesminuius marcantamein. La suprastonza communal duei mussar las diversas variantas da structuradas politicas pigl avegnir e suttametter quellas allas instanzas cumpetentas per discussiun e votaziun.» Il cussegl communal accepta il postulat cun dudisch encunter duas vuschs.

Zona da mistregn Pignola/Marias – adattaziun necessaria

Ils 5 da fenadur 2016 ha la regenza approbau la revisiun parziala dalla planisaziun locala tenor la decisiundalla cuminonza dils votants dils 29 da november 2015. L'approbaziun dil territori dadens la Via Foppas (parcelas 193–200 e 123) cun ina surfatscha da rodund 2,2 hectaras ei denton vegnida sistida entochen ch'il sulom da Pignola dado la via da Segnas ei surbaghegiu. Persuenter ei la parcella 188 (gest sut la lingia dalla MGB) cun ina mesira da 6839 m² vegnida enzonada a posta per ina interpresa internaziunala. Quella haveva giu demussau interess da vegnir a Mustér. Cun quella excepziun leva la regenza gidar a crear novas plazzas da lavur en vischnaunca. Ils 21 da december 2016 ha l'interpresa denton communicau officialmein ch'ella desisti da secasar a Mustér. Cheutras croda quella parcella – tenor la decisiun dalla regenza – automaticamein anavos ella zona agricola. Sco quei che la suprastonza communal ha scret el messadi per la votaziun dils 29 da november 2015, ei la zona da mistregn actuala a Plaun da Diras sesviluppada fetg bein ed ulteriurs menaschis vulan secasar leu. Quei territori ei predestinaus per ina zona da mistregn ed industria cun ina irradiaziun regiunala. El disponsa d'ina optimala avertura da traffic.

Tenor la nova lescha federala davart la planisaziun territoriala san denton novs suloms vegnir enzonai per cu las reservas da terren da baghegiar ein nezegiadas. La fin digl onn vargau ha ina societad indigena inoltrau la damonda per ina surbaghegiada pli gronda cun in menaschi da tempra industrialia sin parcella 189 (ch'ei gia vegnida enzonada igl onn 2008). Per saver corrispunder al giavisch d'ereger ulteriurs menaschis da mistregn a Pignola drova ei ina argumentaziun perschudenta ed il consentiment dalla regenza. Dapresent contrahescha la suprastonza communal cun las interpresas intressadas e cun las instanzas cantunalas per anflar ina sliigiaziun adattada. Quei pretenda ina revisiun dil plan da quartier Pignola dils 18 d'avrel 2011 ni in'adattaziun dil plan da zonas.

Suprastonza communal



Controlla da habitonts

Mortori

Martin Maissen-Manetsch, naschius ils 16 d'avrel 1930, morts ils 15 da fevrer 2017

Uniun da dunnas Disentis/Mustér

Workshop cun Claudia Bearth-Candinas

La dunna sur 50 – la valor dalla dunna avanzada

Claudia Bearth-Candinas, lic. phil. psicologa fsp, referescha pertuccont la tematica dalla valor dalla dunna avanzada en nossa societad e la percepziun da sesez. Tgei schabegia sch'ins constatescha ch'ins s'auda tier la generaziun pli veglia? La part teoretica vegn reflectada en parts practicas.

Datum: **11 da mars 2017**, 14.00–17.00 incl. pausa

Liug: Aua Viva Disentis/Mustér

Annunzias entochen ils 4 da mars 2017, tier Jeannette Venzin, venzinjeannette@kns.ch, 078 607 36 72, ni tier Nadja Hosang, nadja.hosang@gmx.ch, 078 673 83 11 Il workshop vegn menaus atras per tudestg. Ei vegn incassau ina contribuziun allas spesas.

Workshop mit Claudia Bearth-Candinas

Frau über 50 – über den Wert der älter werdenden Frau

Claudia Bearth-Candinas, lic.phil. Psychologin FSP, referiert über den Wert der älter werdenden Frau in unserer Gesellschaft und deren Wahrnehmung. Was geschieht, wenn man merkt, dass man zu der älter werdenden Generation gehört? Die Theorie wird in praktischen Sequenzen reflektiert.

Datum: **11. März 2017**, 14–17 Uhr inkl. Pause

Ort: Aua Viva Disentis/Mustér

Anmeldung bis 4. März 2017, bei Jeannette Venzin, venzinjeannette@kns.ch, 078 607 36 72, oder bei Nadja Hosang, nadja.hosang@gmx.ch, 078 673 83 11. Der Workshop wird auf Deutsch durchgeführt. Es wird ein Unkostenbeitrag verrechnet.

Controllas apparats d'udida

Gliendisdis, ils 27 da fevrer 2017 saveis Vus schar schubergiar e rugalar Vies apparat d'udida:

9.00–10.30 en Casa sogn Martin a Trun

11.00–11.40 en Casa sogn Giusep a Cumpadials

13.15–14.30 el Puntreis, Center da sanadad a Mustér

Las firmas Amplifon cun dunna Roffler e Jäggi cun signur Gfeller sorprendan comunablamein quei survetsch gratuit per tuts interessents. Ei drova negina annunzia.
